

四庫全書

經部

欽定四庫全書

經部

詩傳旁通卷一至三

詳校官監察御史_臣盛嘉祐

通政使司副使_臣莫瞻菴覆勘

總校官進士_臣楊懋珩

校對官中書_臣吳甸華

謄錄監生_臣朱紱

欽定四庫全書

經部三

詩傳旁通

詩類

提要

臣等謹案詩傳旁通十五卷元梁益撰益字友直號庸齋江陰人自署三山者以其先福州人也嘗舉江浙鄉試不及仕宦教授鄉里以終事蹟附載元史儒學傳陸文圭傳內朱子詩傳詳於作詩之意而名物訓詁僅舉大凡蓋是書仿孔賈

註疏證明註文之例凡集傳所引故實一一
引據出處辨析源委因杜文瑛先有語孟旁
通體例相似故亦以旁通為名其中如聖人
之耦則引西漢書劉歆論董仲舒語見堯於
美見舜於牆則引後漢書李固傳以明出典
或朱子所未詳者亦旁引諸說以補之如五
絨五總引陸佃之語三單引鄭箋美卒孔疏
副丁之類亦間有與朱子之說稍異者如頃

筐堅之集傳音許器切大雅民之攸暨集傳
音許既切者從陸德明經典釋文並則引禮
部韻謂許既切者在未韻音餽注云取也許
器切者在至韻音洎作巨至切朱子之音與
禮部韻不同云云是是非非絕不堅持門戶
視胡炳文等之攀附高名言言附合相去遠
矣卷首為類目末一卷則其叙說內一條論
秦造父封趙因錄羅泌國姓紀原之文自謂

此於詩傳雖無所繫而宋氏有國其姓亦當
知故通之則冗贅之文汗漫無理可已而不
已者也前有至正四年太平路總管府推官
濱州翟思忠序明朱睦㮮授經圖遂以詩傳
旁通為思忠作殊為踈舛今從朱彞尊經義
考所辨彞尊所引乃陸元輔之言附訂正焉乾隆四十
三年五月恭校上

總纂官臣紀昀臣陸錫熊臣孫士毅

總校官 臣 陸費墀

詩傳旁通原序

夫詩六經中之一經也三百篇一言以蔽之曰思無邪
六義以該之曰風賦比興雅頌蓋其言之美惡勸焉懲
焉使人各正其性情也自聖人刪之後分而為四曰齊
曰魯曰韓曰毛校之三氏獨毛與經合學者多宗之故
曰毛詩由漢而唐諸大名儒有傳有箋有疏有註異焉
同焉各成一家至于有宋文公朱先生為之集傳闡聖
人之微言指學者之捷徑上以正國風下以明人倫豈

但塲屋之資而已哉三山梁先生友直號庸齋捐於
此昧必欲聞懵必欲解參諸先正問之老宿遇有所得
手纂成帙曰詩傳旁通旁通者引用羣經兼輯諸說不
泥不僻如易之六爻發揮旁通周流該貫也用功懋矣
淑人多矣嗚呼先生可謂溫柔敦厚深於詩之教者與
至正四年秋九月十三日承直郎太平路總管府推官
致仕玄隱居士濱州翟思忠序

欽定四庫全書

詩傳旁通卷一

元 梁益 撰

國風

周南

周國名

周祖后稷其母有邠氏女曰姜嫄為帝嚳元妃生后

稷棄而復收故名曰棄兒時游戲好種樹麻菽

樹藝也

及為成人遂好耕農堯舉以為農師舜封之於邠號

曰后稷別姓姬氏后者有爵土之稱稷者田正之官
帝嚳高辛氏故后稷別其姓為姬氏也至孫古公亶
甫居周原因號曰周周原者岐山下小地名杜元凱
春秋傳云扶風陂東北有周城徐廣史記註云岐山
在扶風美陽西北其南有周原陂在唐為天興縣周
城即周原也昔者黃帝之臣有周昌商之太史有周
任則周之為姓古蓋有之非始於后稷稷所封之邵
在永興之武功稷子不窋

竹律切

自竄於戎狄之間謂

之尉季慶州安化有尉季城亦謂之不窰城公劉居

邠邠本山谷之名字與豳同在扶風之枸邑

枸音荀

古

公避狄遷岐之陽岐陽即美陽今鳳翔府岐山縣桓

譚琴操文王初為岐侯然則后稷自唐虞時受封歷

夏商千有餘年至其十三世孫古公亶甫始有周號

文王為國號武王克商遂以為天下之號也又有宗

周成周東西周之名文王都豐武王都鎬自武王以

鎬為京而謂豐為宗周周公相成王作東都于洛邑

謂之王城其後周室下衰平王東遷遂居其地謂之東周而謂豐鎬為西周方成王時周公既營洛邑又作下都徙殷之頑民居之謂之成周今河南洛城故城是也至戰國時周愈下衰分為東周君西周君秦遷東周君於患狐之聚患音憚遷西周君於陽人之聚而周亡矣 患狐地名在洛陽南百五十里陽人聚在汝州之西周平王之子秀封于汝川秦滅之為汝南郡漢光武封姬常為周承休公居麻城其地在汝

州梁縣今汝東有承休故城

后稷十三世孫古公亶甫

史記自后稷至亶甫父死子繼凡十三世而世本所紀與史記不同

史記

后稷

不窋

鞠一作鞠陶

公劉

慶節

皇僕

差弗

毀隃

公非

高圉

亞圉

公叔祖類

古公亶甫

世本

后稷

不窋

鞠

公劉

慶節

皇僕

差弗

偽榆

公非

辟方

高圉

侯牟

亞圉

雲都

太公組紂

諸盪

亶父

胡氏

宏

皇王大紀曰殷王小乙甲寅二十六祀幽亶

父遷于岐改號曰周

字仁仲號五峯建寧人

羅氏泌路史曰

不窋生鞠是為鞠陶傳云有子曰鞠鞠陶生公劉公

劉能脩后稷之業民保歸之周道繇興公劉生慶節

始國於邠慶節生皇僕皇僕生弗差

作差弗者非弗差猶曰難當大

柰也弗差生偽榆一作毀隄偽榆生公非公非生辟方

辟方生高圉高圉能帥稷者是生侯牟侯牟生亞圉

亞圉卒弟雲都繼雲都生公叔組紺是為祖類祖類

生諸盤是為太公太公生亶甫是為古公太王太王

生恭伯仲雍季歷三人凡一十七世 按世本云公

非辟方高圉侯牟亞圉雲都組紺諸蓋亶甫而已班

氏表云辟方公非子高圉辟方子而夷族亞圉皆高

圉子雲都乃亞圉之弟杜預釋例云高圉不密九世

孫史記索隱亦以辟方侯牟為二人斯得之矣獨史

記無辟方侯牟雲都諸蓋至皇甫謐遂以為公非高

圉亞圉組紺之子蓋牽於單穆公十四世之說而合

二人為一爾

字長源廬陵人路者大也

國語單穆公言后稷勤

周十五世而興焉

國語者左丘明作亦謂之春秋外傳

金氏

履祥

通

鑑前編曰按遷岐之事據西漢書婁敬傳則古公遷

岐下距伐商百有餘年當在廩辛之世據東漢書西

羌傳序則古公遷岐又當武乙之時皆年數促數

音朔

該事不伸婁敬一時之言計不察察東漢書據竹書

竹書載太丁良久與經世歷不同皆不可攷惟大紀

係之小乙之年蓋以甲紀也下逮克商凡二百年按

詩稱爰及姜女聿來胥宇則其時古公太姜之年尚

少未有泰伯王季也至稱其治岐之後帝省其山斯

拔

蒲具切

斯兌然後作邦作對則始生泰伯王季爾古

公年壽甚高故號古公而王季文王皆且百年尚論

其世則大紀之年近是

字吉父號仁山金華人

竹書

亦云汲冢書晉

太康二年汲郡人發魏襄王冢所得竹簡漆書

古公王季文王

古公者豳公之號也亶甫字或殷名殷人尚質史記
周本紀古公有長子曰泰伯次曰虞仲太姜生少子

季歷季歷娶太任皆賢婦人生子昌有聖瑞古公曰
我世當有興者其在昌乎泰伯虞仲知古公欲立季
歷以傳昌二人乃亡如荊蠻文身斷髮以讓季歷古
公卒季歷立是為公季公季脩古公遺道篤於行義
行胡孟切諸侯順之公季卒子昌立是為西伯

三分天下有其二

時天下九州冀兗青徐揚荊豫梁雍今歸文王者六
州荊梁雍豫徐揚也惟青兗冀尚屬紂耳此文王為

西伯時也文王所以為西伯者以國君而賜弓矢得專征伐者也漢孔安國言虞芮質成之年為文王受命改元之年非也文王在日未嘗稱王詩中有周王于邁六師及之等語天子六軍侯國三軍所謂六師蓋追述之詞

武王克商有天下

一戎衣天下大定乃反商政政由舊

反紂之政由商之舊

禮

記大傳牧之野武王之大事也既事而退柴於上帝

祈於社設奠於牧室遂率天下諸侯執豆籩逡_{音峻}走追王_{去聲}太王亶父文王昌不以卑臨尊也 註不

以諸侯之號臨天子

文王徙豐

本紀文王伐崇侯虎而作豐邑 張守節史記正義

曰崇夏禹之父名鯀者所封虞夏商周皆有崇國_{音鯀}

哀徐廣史記註曰豐在京兆鄠縣東有靈臺{鄠音戶}

武王遷鎬

三輔黃圖曰漢京兆長安南數十里上林昆明池有
鵠池其地即周之故都元和郡國志鵠在長安有武
王宮漢穿昆明池鵠之遺址淪焉今永興昆明北之
鵠陂即京周也世本六韜皆以鵠為鄆史記亦作鄆
池君

房中之樂

儀禮燕禮篇有房中之樂漢書禮樂志房中祠樂高
祖姬唐山夫人所作也

唐山姓

周有房中樂至秦名曰

壽人凡樂樂其所生禮不忘其本高祖樂楚聲故房
中樂楚聲也孝惠二年使樂府令夏侯寬備其蕭箎
更名曰安世樂樂其樂楚二樂字並音洛餘並音岳更音庚孔穎達詩正
義路寢之常樂天子以周南諸侯以召南是天子諸
侯皆有房中之樂也

關雎

興也

賦比興者作詩之體風雅頌者作詩之名詩有六義

三經而三緯之風雅頌為經賦比興為緯三緯之中
又復錯綜焉如興而比賦而興之類六義之旨粲然
明矣

睢鳩一名王睢

睢鳩王睢爾雅文李巡註曰王睢一名睢鳩郭璞註
曰雕類今江東呼之為鷺好在江渚山邊食魚毛詩
傳曰鳥摯而有別陸璣疏曰睢鳩大小如鷓深目目
上骨露幽州人謂之鷺而揚雄許慎皆曰白鷺其目
切

似鷹尾上白按郭註所引毛傳之鷲今詩傳作鷲字
書鷲鷲通而鷲又與至通鄭康成箋云鷲之言至也
謂王雎之鳥雌雄情意至然而有別然則鷲者情意
深至之謂非鷲鷲鷲也鄭夾漈通志畧曰雎鳩爾雅
以為王雎鳬類多在水邊尾有一點白故揚雄云白
鷲舊說鷲類誤矣夾漈嘗曰凡鷲鷲之類其喙徧者
則其聲關關雞雉之類其喙銳者則其聲鷲鷲音此
天籟也雎鳩之喙似鳬雁故其聲關關然且鷲鳥之

喙皆鈎曲銛銳而睢鳩則不然益見鷙而有別之鷙
非鷙擊之鷙乃與鷙通之鷙也鳬鷺皆捕魚以食豈
亦為鷙鳥乎張守節謂王睢為金口鵝姑備其說揚
子雲羽獵賦王睢闕闕鳴鴈嚶嚶張平子思立賦鳴
鶴交頸睢鳩相和歸田賦王睢鼓翼倉庚哀鳴夫以
王睢倉庚並言決非鴈鷺或謂王睢即今杜鵑云

毛傳

漢世言詩者四家齊轅生為齊詩

轅固生

魯申公為魯

詩燕韓嬰為韓詩毛公為毛詩齊魯韓三家詩並立
學官毛詩至平帝時始得立齊詩亡於魏代魯詩亡
於西晉韓詩僅存外傳惟毛氏傳獨行以至於今初
學記曰荀卿授魯國毛亨作訓詁傳以授趙國毛萇
時人謂亨為大毛公謂萇為小毛公大毛公之名惟
見於此萇字或作長此毛傳者謂毛萇之詩傳也
訓詁漢書詁作故顏師古曰故者通其指義也流俗
改故為詁非也

乘居匹處

劉向列女傳周宣王姜后曰雉鳩之鳥猶未嘗見其

乘居而匹遊 乘四也匹兩也匹之為兩如解鴛鴦

詩者曰鴛鴦匹鳥也蓋此禽之性止則相偶飛則雙

翔故謂之匹鳥匹者兩也

乘去聲

摯至通

書西伯戡黎大命不摯注摯至也漢班嗣報桓譚書

伏周孔之軌躅馳顏閔之極摯

漢康衡

西漢書匡衡字稚圭東海承人也

承音證

父世農夫至

衡好學家貧傭作以供資用尤精力過絕諸儒為之
語曰無說詩匡鼎來匡說詩解人頤元帝建昭三年
為丞相封樂安侯帝崩成帝即位衡上䟽戒妃匹勸
經學威儀之則曰臣聞之師曰妃匹之際生民之始
萬福之原婚姻之禮正然後品物遂而天命全孔子
論詩以關雎為始言太上者民之父母后夫人之行

不侔乎天地則無以奉神靈之統而理萬物之宜故
詩曰窈窕淑女君子好仇言能致其貞淑不貳其操
情欲之感無介乎容儀宴私之意不形乎動靜夫然
後可以配至尊而為宗廟主此綱紀之首王教之端
自上世以來三代興廢未有不由此者也 淮南王
傳欲以親戚之意望於太上如淳曰太上天子也

宋諱匡字故曰康

妃匹

史記外戚世家序甚哉妃匹之愛司馬貞曰妃音配
又如字愚按妃匹之妃宜去聲

葛覃

女師

毛氏傳古者女師教以婦德婦言婦容婦功孔穎達
疏婦人五十無子出而不復嫁能以婦道教人者為
姆

煩擢

鄭康成詩箋煩擢之用功深字畧云煩擢猶撻也
禮記曲禮共飯不澤手鄭康成註澤謂撻也擢而
專切撻奴禾切撻素禾切

私衣

私謂平居燕私之服衣謂行禮之服如禕衣祿衣之

屬

禕音揮
祿音彖

歸寧

左傳莊公二十七年冬杞伯姬來歸寧也凡諸侯之

女歸寧曰來出曰來歸夫人歸寧曰如某出曰歸于某歸寧者歸而寧問父母安否

卷耳

爾雅

史記五宗三王世家曰太中大夫公戶滿意稱引古

今通義國家大禮文章爾雅

公戶姓滿意名

司馬貞索隱曰

爾近也雅正也其書於正字義訓為近故云爾雅相承云周公作以教成王又云子夏所作以解詩書

郭景純註爾雅序曰爾雅者興于中古隆于漢氏

羗里

史記本紀紂囚西伯於羗里張守節曰羗一作牖羗

里城在相州蕩陰縣北九里相州今彰德府

羗里音酉相音

去聲

樛木

小君內子

朱子語錄鄭可學問樂只君子作后妃亦無害否先

生曰以文義推之不得不作后妃若作文王恐太隔
越了 益按國君夫人謂之小君卿大夫以下之妻
均謂之內子

螽斯

以股相切作聲

謂以股相磨切而作聲如七月斯螽動股始躍而以
股鳴莎雞振羽能飛而以翅鳴之類也考工記以翼
鳴者以股鳴者謂之小蟲之屬

桃夭

嫁曰歸

婦人內夫家而外父母家故謂嫁為歸

仲春令

周禮地官媒氏掌萬民之判中春之月令會男女鄭氏註中春陰陽交以成婚禮順天時也

鬼置

逐杙聲

杙音弋檠也檠音掘椓杙聲椓伐杙檠之聲也

達九達之道

爾雅釋宮曰一達謂之道路長二達謂之岐旁

岐道交出

三達謂之劇旁

數道交錯

四達謂之衢

交出四出

五達謂之康

六達謂之莊

史記所謂康莊之衢

七達謂之劇驂

三道交復有一岐出者

八達謂之崇期

四道交出

九達謂之達

四道交出復有旁通

聖人之耦

西漢書董仲舒傳班固贊曰劉向稱董仲舒有王佐

之才雖伊呂亡以加

亡無同

管晏之屬伯者之佐殆不

及也

伯霸同

至向子歆以為伊呂聖人之耦對王者不

得則不興故顏淵死孔子曰噫天喪予唯此一人為

能當之自宰我子貢子游子夏不與焉

與預通

仲舒遭

承秦滅學之後六經離析下帷發憤潛心大業令後

學者有所統一為群儒首然考其師友淵源所漸

音尖

猶未及虜游夏而曰管晏弗及伊呂不加過矣至向

曾孫龍其篤論君子也以歆之言為然

漢宗室劉向

字子政向子歆字子駿曾孫名龔

茱萸

扱

扱與挿音義並同扱收也

漢廣

漢

漢水出興元府西縣嶠冢山為漾水東流為沔水又東至南鄭為漢水有褒水從武功來入焉南鄭興元

治而興元故漢中也又東與文州文水會又東過西

城旬水入焉又東過鄖

音鄉

縣南又屈而東南過武

當縣又東過順陽縣有涓水自虢州盧氏縣北來入

焉又東過中廬有淮水自房陵淮山東流入焉又東

過襄陽南漳縣荆山而為滄浪之水又東過宜城有

鄢水入焉

鄢音媽又音偃

又東過於郢

音若

敖水入焉又東南

白水入焉又東過雲杜而為夏水有涓水入焉

涓音云

雲杜舊屬江夏後并入安州安陸又東至大別山下

江

漢陽鄂州二城相對之間南與江水合流而為大江
江水出岷山一名瀆山一名汶阜山今屬茂州汶山
縣發源不一源亦甚微所謂江源可以濫觴濫之言
汎也東南百餘里至天彭山亦謂之天谷亦謂之天
彭門兩山相對水逕其間其山屬彭州又東南過城
都郫縣又東南過江陽有湍水從西北來入焉江陽
屬眉州又南過嘉州犍為縣又南過戎州犍道縣北

若水淹水從西來入焉

楚蒲墨切音
蜀字本作楚

又東南至渝州

江津縣有羌水涪水巴水白水潛水渝水合流入焉

又東過涪州忠州萬州又東過雲安軍雲安今夔府

又東過魚復魚復今夔州奉節節永安宮及諸葛孔

明八陣圖壘南又東南過赤岬城

岬甲

又東過巫峽巫

溪水入焉又東過秭歸又東過夷陵又東過宜都又

東過禹斷江又東過枝江有沮水入焉又東過石首

又東過華容有涌水入焉又東至巴陵合于洞庭之

陂其陂有澧水西來沅水西南來湘水南來入焉東
至武昌漢陽大別山與漢水合而為大江東過潯陽
有彭蠡陂從南來入焉彭蠡即今鄱陽湖合江西江
東諸水跨豫章南康饒州之境又東右過江寧有丹
陽水從南來入焉又東左過江都邗溝出焉又東過
江陰許浦入海入海處在通州海門縣

秭音姊沮音
起澧音禮鄱

音婆邗
音寒

大堤之曲

夾漈鄭氏

樵

通志畧曰樂府清商曲襄陽樂

音洛

大堤

曲者宋隨王誕始為襄陽郡元嘉末仍為雍州夜聞
諸女郎歌謠因為之辭古辭云朝發襄陽城暮至大
堤宿大堤諸女兒花艷驚即目後世如李太白大堤
曲等作皆古樂府題

汝墳

汝

汝水出汝州魯山縣大孟山其地與弘農郡盧氏縣

接界故許慎誤謂出盧氏也其水東南過故定陵縣

渚

直里切

水及昆水入焉定陵今許州舞陽又東南過

上蔡至褒信縣汝口南入于淮渚水出汝州魯陽縣
堯山東過定陵縣西不羨亭東入汝魯陽魯山皆縣
名汝水周南之水也

魚勞尾赤

養生經魚勞則尾赤人勞則髮白

麟之趾

祖廟未毀

春秋文公二年公羊傳何休註毀廟謂親過高祖毀其廟藏其主于太祖廟中

召南

召地名

召公名奭與周同姓武王封之于燕諡曰康公字書

召與邵同奭之音釋

采邑

西漢書刑法志采官也因官食地故曰采地采邑即采地也采一音去聲

召亭

王氏

應麟

困學記聞曰朱子詩傳舊說扶風雍縣南

有召亭今雍縣析為岐山天興二縣未知召亭的在何縣愚按史記正義引括地志召亭在岐山縣西南

字伯厚號厚齋
浚儀人居四明

括地志唐太宗之子魏王泰所撰集

張守節史記正義引用之

鵲巢

衆媵姪娣

公羊傳莊公十九年公子結媵陳人之婦于鄆

媵音孕鄆

音緇

媵者何諸侯娶一國則二國往媵之以姪娣從

才用

切

姪者何兄之子也娣者何弟也諸侯一娶九女諸

侯不再娶何休註諸侯一娶九女所以廣嗣續也左

氏成公八年傳凡諸侯嫁女同姓媵之異姓則否

媵者從嫁之稱男為媵臣女為媵妾

采蠶

親蠶

西陵氏名儻祖黃帝元妃也羅氏路史曰黃帝命西陵氏勸蠶稼月大火而浴種夫人副禕而躬桑乃獻繭絲遂稱織紵之功因之廣織以給郊廟之服皇圖要覽曰伏羲化蠶西陵氏始養蠶故淮南王蠶經云西陵氏勸蠶稼親蠶始此儻或作嫫亦作縈並祖為切穀梁傳王后親蠶以供祭服國非無良農工女

也以為人之所盡事其祖禰不若以已所自親者也
公桑

記祭義古者天子諸侯必有公桑蠶室近川而為之
築宮仞有三尺棘牆而外閉之

陶陶遂遂

祭義孝子將祭祀必有齊側皆切莊之心以慮事及祭

之後陶陶遂遂如將復入然註陶陶遂遂相隨行之

貌陶音遙又如字

草蟲

迷陽

奇香

莊子人間世篇孔子適楚楚狂接輿曰迷陽迷陽無
傷吾行吾行卻曲無傷吾足王伯厚曰莊子楚狂之
歌所謂迷陽人皆不曉胡明仲云荆楚有草叢生脩
條四時發穎春夏之交花亦繁麗條之腴者大如巨
擘剝而食之其味甘美野人呼為迷陽其膚多刺故
曰無傷吾行無傷吾足

巨擘手大
拇指也

奇音 與奇偶之奇同

采蘋

室西南隅

爾雅釋宮曰西南隅謂之奧西北隅謂之屋漏東北

隅謂之宦

音願

東南隅謂之突

音沓又
一咄切

錡

有足曰錡三足釜也

薦豆

記祭統夫人薦豆明堂位夫人薦豆籩

甘棠

思人愛樹

孔子家語好生篇孔子曰吾於甘棠見宗廟之敬也
甚矣思其人必愛其樹尊其人必敬其位道也

勿拜

唐語林施士丐善毛鄭詩劉禹錫同韓退之柳子厚
詣士丐聽說詩曰甘棠勿拜如人身之拜小低屈也

勿拜則不止勿剪言召伯漸遠人思不可及

行露

牡齒

楊龜山曰牙牡齒鼠無牡齒楊氏本於說文之說牡齒如俗所謂撩牙

羔羊

絨總

山陰陸農師曰蠶之所吐為忽十忽為絲五絲為緝

聶
十絲為升二十絲為絨四十絲為紀八十絲為總
詩曰素絲五緇又曰五總其絲之數如此

殷其雷

此人此所

何斯之斯此人也違斯之斯此所也猶語斯焉取斯
章集註上斯斯此人下斯斯此德

標有梅

陞

頃筐既乏之既堅者取也音許器切大雅假樂泂酌
民之攸堅之堅堅者息也音許既切禮韻許既切者
在未韻音餽注云取也許器切者在至韻音洎韻作
巨至切其曰許器切者陸德明音也朱子之音與禮
韻不同

小星

齊邀

記玉藻君子之容舒遲見所尊者齊邀齊音咨謙慙

貌遯音速猶感感也

參昴

參白虎宿三星昴六星參昴二星皆西方宿

江有汜

待年

公羊隱公七年春王三月叔姬歸于紀何休註叔姬者伯姬之媵也至是乃歸者待年父母之國也婦人八歲脩數十五從嫡二十承事君子

以

左傳凡師能左右之曰以

何彼穠矣

穠

古註本皆作禮音戎而中切音濃則尼容切

平王齊侯

周平王子桓王桓王子莊王莊王女下嫁于齊春秋
魯莊公元年夏書單伯逆王姬秋書築王姬之館于

外冬書王姬歸于齊時周莊王四年也諸兒齊襄公
名

騶虞

中必叠雙

班孟堅西都賦鳥驚觸絲獸駭值鋒機不虛掎弦不
再控矢不單殺中必叠雙 掎舉綺切控音空中音
衆

其民皞皞

欽定四庫全書

詩傳旁通

三

皞皞廣大自得之貌

儀禮二南

鄉飲酒鄉射皆合樂燕禮遂歌鄉樂周南關雎葛覃
卷耳召南鵲巢采芣苢采芣

詩傳旁通卷一

欽定四庫全書

詩傳旁通卷二

元 梁益 撰

國風

邶

邶鄘不詳始封

史記本紀武王封商紂子祿父殷之餘民武王為殷
初定未集乃使其弟管叔鮮蔡叔度相祿父治殷張
守節正義曰漢地理志云河內殷之舊都周既滅殷

分其畿內為三國詩邶鄘衛是也邶以封紂子武庚
鄘管叔尹之衛蔡叔尹之曰三監平監帝王世紀云自
殷都以東為衛管叔監之殷都以西為鄘蔡叔監之
殷都以北為邶霍叔監之是為三監未詳孰是羅長
源路史曰邶霍叔尹之鄘管叔尹之衛蔡叔尹之見
於詩譜謂之三監孔氏以管蔡商為三監霍叔不與
班固從之非也武庚不得為監以蔡仲之命攷之鄭
譜為是武庚之封乃紂之都在邶境也

殷墟

朝歌北冢皆殷墟朝歌在衛之黎陽黎陽唐為衛縣
宋為通利軍今為濬州衛縣西二十二里有朝歌故
城史記項羽傳洹音素水南殷墟有殷城亦曰北殷

柏舟

列女傳以為婦人詩

劉向列女傳衛宣夫人者齊侯之女也嫁於衛至城
門而衛君死保母曰可以還矣女不聽遂入持三年

喪作詩曰我心匪石不可轉也我心匪席不可卷也
君子美其貞一故舉而列之於詩韓嬰氏以為衛宣
姜自誓

孔叢子載孔子讀柏舟見匹夫執志之不可易華谷
嚴氏取其說朱子不取以孔叢子偽書耳孔鮒字子
魚孔子八世孫魏相孔斌子順之子仕陳勝張楚為
博士不見用退而論集其先孔子仲尼孔伋子思孔
白子上孔穿子高孔斌子順之言及已身行事為書

七卷凡二十一篇名曰孔叢子叢之為言雜也孔子卒於哀公十六年至子思見穆公時已七八十年書中有孔子子思問答可見其偽姑纂之以見非不取匹夫執志之言

綠衣

正色間色

記玉藻衣正色裳間色鄭康成註謂冕服玄上纁下纁淺絳色爾雅三染謂之纁青赤黃白黑五方木火

土金水之正色也以木克土則青黃合而成綠以金克木則白青合而成碧以火克金則赤白合而為紅以水克火則黑赤合而為紫以土克水則黃黑合而為駢此五方之間色也

鍾音熏間去聲駢音留

莊姜

春秋隱公三年傳衛莊公娶于齊東宮得臣之妹曰莊姜美而無子衛人所為賦碩人也

燕燕

戴嬀州吁

莊公又娶于陳曰厲嬀生孝伯早死其姊戴嬀生桓
公莊姜以為己子公子州吁嬖人之子也有寵而好
兵公弗禁莊姜惡之四年春衛州吁弑桓公而立秋
州吁如陳陳人執之九月殺州吁于濮衛人逆公子
晉于邢是為宣公齊女姜姓陳女嬀姓

桓公
名完

陳在衛南

衛在河北陳在河南

任

以恩相信見周公諡法

終風

雨土

孫炎曰霾大風揚塵土從上而下也夾漈鄭氏通志
畧漢昭帝始元年中雨土晝昏後魏景明四年涼州
雨土如霧周大象元年雨土隋開皇二年京師雨土
雨于付切

𩇑𩇑

月令人多𩇑𩇑𩇑音求𩇑音帝

擊鼓

漕

西征記今白馬城衛之漕邑今滑州白馬縣

刺

擊刺之刺音七亦切音在樂記駟伐註

伐鄭

春秋隱公四年春戊申衛州吁弑其君完夏宋公陳侯蔡人衛人伐鄭秋翬帥師會宋公陳侯蔡人衛人伐鄭九月衛人殺州吁于濮冬十有二月衛人立晉

凱風

浚

浚都陳留曰浚儀

幾諫

事父母幾諫幾微也內則篇父母有過下氣怡色柔

聲以諫也

匏有苦葉

厲

爾雅以衣涉水為厲註衣為禪又曰繇膝以下為揭
繇膝以上為涉繇帶以上為厲註繇自也邢昺疏言
水深至於禪以上者為涉度之名厲

軌

軌龜美切謂車轄頭也轄音衛車軸端也依傳意軌

宜音犯按說文軌車轍也從車九聲音龜美切軌車
軾前也從車几聲音犯字又作軻九經古註車軻頭
所謂軻也軻字音止轂末也車輪所穿為道也

昏禮用鴈

程子曰鴈取其不再偶

納采請期

昏禮有納采問名納吉納徵請期親迎六禮

迎去聲

納

采者納其采擇之禮即今世俗言定也

谷風

畿

畿門內也韓退之詩白石為門畿門闕也

茶見載芟

周頌良耜以薅荼蓼

茶

苦菜

委葉

英茶

萑茗

茶一曰苦菜一曰委葉一曰英茶一曰萑茗四名而

為三物

萑胡官切音丸

此詩之誰謂荼苦傳曰荼苦菜也大

雅綿之莖茶如飴唐采苓之采苦采苦皆苦菜也鄭
出其東門有女如茶傳曰茶英茶也幽鳴鶚子所摶
茶傳曰茶萑苕也周頌良耜以嫔茶蓼孔氏疏曰委
葉也

苦菜爾雅釋草茶苦菜郭璞註誰謂茶苦苦菜可食
邢昺疏此味苦可食之菜也一名茶一名苦本草一
名茶草一名選一名游冬易緯通卦驗玄圖云苦菜
生於寒秋經冬歷春乃成月令孟夏苦菜秀是也葉

似苦苣而細斷之有白汁花黃似菊堪食但苦耳

委葉爾雅釋草荼委葉郭璞註詩云以苾蒢蓼苾與
嫫同蒹與荼同邢昺疏穢草也王肅曰荼陸穢謂陸
地蕪穢之草也舍人註爾雅曰荼一名委葉

英荼孔氏疏鄭康成於周禮地官掌荼及既夕註與
出其東門有女如荼箋皆云荼茅秀然則茅草秀出
之穗也言荼英荼者六月詩白旆英英是白貌茅之
秀者其穗色白言女喪服色如荼然吳語說吳王夫

差

國語中吳語也夫音扶差音叙

於黃池之會陳兵以脅晉萬人為

方陣皆白常白旗素甲白羽之矜望之如茶韋昭云

茶茅秀亦以白色為如茶與此詩傳意同女見棄所

以喪服者王肅云見棄又遭兵革之禍故皆喪服也

崔苕孔氏疏謂亂之秀穗也毛公八月崔葦傳亂為

崔葦為葦予所將茶傳茶崔苕也然則崔苕之與茅

秀其物相類故皆名茶也亂五患切音頑之去聲江

東呼為烏蘆

音丘

涇

涇水出安定涇陽縣西開頭山宋為鎮戎軍古之安定朝那縣也升苦見切又音牽一名笄頭山一名都

盧山一名崆峒山

笄音雞

渭

渭水出隴西郡首陽縣渭首亭南鳥鼠山首陽唐省入渭源隸渭州宋隸熙州在州之東其水東過隴州汧源縣汧水從西北來入焉又東過鳳翔府郿縣斜

水從南來入焉

沂音牽
斜音耶

又東過槐里縣南潞水入焉

槐里今永興軍興平縣

潞音勞

又東北過咸陽縣澧水

入焉又東北過高陵涇水入焉又東北過富平縣漆

水入焉又東則同州之洛水入焉又東過臨潼縣灞

水入焉又東至京兆船司空縣入河船司空縣後省

入華州之華陰

式微

黎

黎民故國或云黎山氏國子姓侯爵即西伯所戡者
與紂都接今潞城東十八里有故黎侯城有黎亭字
亦作鰲鄒

旄丘

與國

和好相與之國許氏說文曰與黨與也

黎在衛西

潞城即上黨班氏志上黨壺關東北有黎亭隋九域

志亭在黎山嶺上今濬州黎陽漢之黎縣有黎陽山
皆在衛西

簡兮

伶官

黃帝命伶倫取嶰谷之竹截竽吹律伶倫樂師世掌
樂官故後世號樂官為伶官晉景公見漢囚鍾儀南
冠而縶使脫之問其族對曰冷人也公曰能樂乎對
曰先父之職官也與之琴操南音冷與伶同伶者弄

也

輕世肆志

魯仲連曰吾與其富貴而詘於人寧貧賤而輕世肆志焉玩世不恭玩者戲也弄也東方朔依隱玩世柳下惠不恭

獻工之禮

儀禮燕禮樂賓升歌獻工曰工歌鹿鳴四牡皇皇者華卒歌主人洗升獻工工不興左瑟一人拜受爵主

人西階上拜送爵薦脯醢使人相祭卒爵不拜主人受爵衆工不拜受爵坐祭遂卒爵辯有脯醢辯音遍義同不祭主人受爵降奠于篚

美人目君

文公楚辭註美人謂美好之婦人蓋託詞而寄意於君也離騷經恐美人之遲暮

東方朔

朔字曼倩平原厭次人

厭一涉切又一琰切

班固漢書贊朔名

過實者以其恢達多端不名一行應諧似優不窮似
智正諫似直穩德似隱非夷齊而是柳下惠戒其子
以上容容身避害首陽為拙柱下為工飽食安步以仕易
農依隱玩世詭時不逢其滑稽之雄乎滑音骨滑稽
談笑諧謔也侏儒短人俳優雜戲

泉水

淇
千言 須

淇水一名鄭水鄭玄云即降水出衛州共城縣北山

或云出林慮東至湯陰又東至黎陽入河林慮即漢河內隆慮縣改今隸相州共音恭慮音閭

干言厚齋紀聞曰隋書志邢州內丘縣有干言山李公緒紀云柏人縣有千山言山柏人縣邢州堯山縣也邢州今順德路

須漢地里志東郡有須昌縣故須句劬國今東平之須城縣

祖道之祭

周禮大馭夏官屬掌馭玉路以祀及犯輶王自左馭

馭下祝登受轡犯輶遂驅之

輶蒲未切音跋

註行山曰輶犯

之者封土為山象以苦

負倍二音

芻棘柏為神主既祭之

後以車轆之而去喻無險難也王由左馭禁制馬使

不行也詩云載謀載惟取蕭祭脂取羝以輶詩家說

曰將出祖道犯輶之祭也聘禮曰及舍輶

舍音釋

飲酒

于其側禮家說謂之祖祭左傳祖而舍輶飲酒于其

側曰餞重有事於其行也漢臨江王傳黃帝之子纍

祖好遠遊而死於道故後世祭以為行神祖祭因饗
飲也荀彧傳以為共工氏曰修好遠遊祀以為祖神
漢以午日祖轢音歷

靜女

彤管

毛傳云女史彤管之法鄭箋云筆赤管皆以后夫人
言耳歐陽氏曰古者鍼筆皆有管樂器亦有管不知
此管是何物但彤是色之美者

牧

邑外謂之郊郊外謂之牧牧外謂之野野外謂之林
林外謂之甸爾雅註邑國都也假令百里之國五十
里之界名十里也

新臺

蘧篠

揚雄別國方言曰宋魏之間謂之笙或謂之蘧曲自
關而西謂之簞或謂之笄之鴈切
音制其粗者謂之蘧篠

蓋竹席簟也國語晉語曰蘧蔭不可使俯戚施不可

使仰

二子乘舟

太史公

漢司馬遷字子長父談皆為漢太史官

尊談為太史公

弟壽爭死相讓

左桓十六年衛宣姜與公子朔構急子

急同公使去聲

諸齊使盜待諸莘將殺之壽子告之使行不可曰棄

父之命惡

烏

用子矣有無父之國則可也及行飲

去聲

以酒壽子載其旌以先盜殺之愆子至曰我之求也此何罪請殺我乎又殺之

申生惡傷父志

左僖四年晉獻公驪姬謂太子曰君夢齊姜必速祭

之

齊姜太子申生之母

太子祭於曲沃歸胙于公公田姬寘諸

宮六日公至毒而獻之公祭之地地墳

上聲

與犬犬斃

與小臣小臣亦斃姬泣曰賊由太子太子奔新城或

謂太子辭太子曰君非姬氏居不安食不飽我辭姬
必有罪君老矣吾又不樂曰子具行乎太子曰君實
不察其罪被此名也以出人誰納我縊于新城樂音
洛

鄜

鄜

楚丘城是也今衛之汲縣東北三十里有故鄜城新
鄉鎮之西南或云楚丘城也有鄜水出宜蘇山

柏舟

共伯共姜

孔穎達詩正義曰共

音恭

伯衛僖侯世子名餘共謚伯

字共姜共伯之妻婦人從夫謚姜姓

東萊呂氏讀詩記曰史記載釐

與僖同

侯已葬武公襲

攻共伯共伯入釐侯羨自殺

羨墓道也音延又延面切

按武公在

位五十五年國語稱武公年九十有五猶箴豎子國

計其初即位其齒已四十餘矣使果弑共伯而篡立

則共伯見弑之時其齒又長於武公安得謂之蚤死乎是共伯未嘗見弑武公未嘗篡弑也唐司馬貞史記索隱謂史遷之說非是

翦髮夾凶

禮記內則子生三月之末擇日翦髮為髻

徒果切音采

男角女羈否則男左女右鄭氏註髻髻所遺髮也

所存

留不剪者夾凶曰角兩髻也

凶一作顙音信又思忍切

凶達曰羈三

髻也

縱橫曰旁午午達之午猶旁午之午謂一直也陳氏
澔曰夾角兩旁當角之處留髮不翦者謂之角留頂
者縱橫各一相交通達者謂之羈

牆有茨

中葦

西漢書梁共王傳

恭王名立

谷永疏曰帝王不聽中葦之

言春秋為親者諱

為去聲

應劭曰中葦材構在堂之中

也顏師古曰謂舍之交積材木也

君子偕老

未亡人

左傳楚文王夫人聞令尹子元振萬於宮側泣曰先君以是舞也習戎備也令令尹不尋諸仇讎而於未亡人之側不亦異乎成公九年季文子如宋致女復命公享之賦韓奕之五章穆姜出于房再拜曰大夫勤辱不忘先君以及嗣君施及未亡人先君猶有望也敢拜大夫之重勤

副

副 編 次

周禮天官追師掌王后之首服為副編次追衡笄追

回切音堆編
音廬又如字

副 副之言覆

去聲

所以覆首為之飾其遺象若今之

步搖矣服之以從王祭祀

步搖亦作步繇

編 編列髮為之其遺象若今假紒

與髻同

矣服之以

告桑也

告桑重蠶事也

次 次第髮長短為之所謂髮髻

亦作髻並音弟

服之以見

王言編若令假紒者編列他髮為之假作紒形加於首上次者亦髻他髮與已髮相合為紒是編次所以異也

笄

笄衡笄也鄭氏註曰王后之衡笄皆以玉為之唯祭服有衡垂于副之兩旁當耳其下以紃懸填

純耽之
上填顛

之䟽曰唯祭服之副有衡笄編次則無衡笄華谷

嚴氏纂垣叔詩緝曰內則言女子之笄者簪也所以

卷髮者也唯副之筭謂之衡筭毛傳以筭即衡筭一物也追師云追衡筭鄭註云王后之衡筭皆以玉為之是鄭以衡與筭為二物也其下文云唯祭服有衡釋衡為一物又云筭卷髮者釋筭為一物故鄭於此箋言筭而不言衡筭也疏混毛鄭為一說又引追師註云唯祭服有衡筭彼文無筭字疏蓋誤也今從毛

義

追音堆

六加

毛傳曰珈笄飾之最盛者所以別尊卑也鄭箋曰珈之為言加也副既笄而加飾如今步搖上飾古之制有所未聞孔疏曰必飾之有六但所施不可知據此言六珈則侯伯夫人為六王后多少無文此副與珈飾唯后夫人有之卿大夫以下則無

栳

栳所以摘髮以象骨為之魏葛屨佩其象栳文言搔頭俗言篋兒摘字讀作剔他歷切

展衣

天官內司服掌王后之六服褱衣

褱音暉

揄狄

揄音逯狄與翟

同翟類也

闕狄

刻繒為翟形而不畫

鞠衣

鞠音同

展衣

展亦作襍並陟扇切

緣衣

緣音彖亦作祿

陸農師曰鄭氏解周官以為王后六服輦狄

玄

輦音暉輦名音暉褱衣畫輦

揄狄青闕狄赤鞠衣黃展衣白褱衣

黑若所謂輦狄玄揄狄青鞠衣黃其說是矣所謂闕狄赤展衣白褱衣黑非也按毛詩傳言展衣以丹縠為之則展衣赤矣赤則宣布著盡有誠信之道焉故

謂之展又或謂之禮禮記曰內則以禮衣亦通帛為

禮

與旃通

禮絳帛也與此同義鞠衣黃展衣赤則禮衣

白矣難者曰禮衣吉服純白非婦人吉服所宜曰蓋

不知禮衣之有纁袖也

難者設為問
難也去聲

袖時占切衣緣

也

緣俞絹切

纁淺絳色三染謂之纁

桑中

沫衛邑

書酒誥注妹邦紂所都朝歌即沫邑羅泌路史曰今

滑之白馬縣有郿水即妹之邦紂所城也郿與邲同
一作郿殷武丁遷都于此

桑間濮上

禮記樂記注濮水之上地有桑間者亡國之音於此
水出桑間在濮陽南東濮郡國志東郡濮陽古昆吾
國桑中在其中史記樂書衛靈公將之晉至於濮水
之上夜聞鼓琴聲命師涓聽而寫之去之晉見晉平
公置酒施惠之臺

即鹿祁之
宮鹿音斯

師涓奏新聲鼓之未終

師曠止之曰此亡國之聲也不可聽平公曰何道出
師曠曰師延所作也與紂為靡靡之樂武王伐紂師
延東走自投濮水之中故聞此聲必於濮水之上先
聞此聲者國削平公曰寡人所好者音也遂願聞之
師涓鼓而終之

鵲之奔奔

經筵不講

紹興間王庭秀磨衲集中詆訾程子之學以荆舒章

蔡為賢王厚齋曰自荆舒之學行為之徒者請禁讀
史書其後經筵不讀國風而湯誓秦誓亦不進講人
君不知危亡之事其效可見矣

定之方中

樹八尺臬

樹立也臬法也周禮地官大司徒以土圭之法測土

聲去

正日景以求地中日至之景尺有五寸謂之地

中

景居影切

鄭司農曰土圭之長尺有五寸以夏至之日

立八尺之表其景適與土圭等謂之地中

測景正方面

公劉既景廼罔即司徒正日中景景者光也明也

景山名

殷武陟彼景山景為山名商之所都

楚丘

孔氏詩正義曰楚丘在濟河間疑在今東都界衛本河北至懿公為狄所滅乃東徙渡河野處漕邑則在

河南矣楚丘與漕不甚相遠亦河南明矣杜預云楚丘濟陰成武縣西南羅氏路史曰郡國志成武有楚丘亭城冢記齊桓公築衛文公居僖二年所城今澶之衛南西北四里楚丘城也戎伐凡伯于楚丘執之以歸今楚丘即戎州之邑漕在今之滑楚丘在今之澶不出衛之邦內非拱州之楚丘拱州楚丘乃張守節史記正義所謂楚丘故城在宋州者然今楚丘縣有景山京山殆後人附會也

駮

周禮庾人六尺以上為馬七尺以上為駮八尺以上為龍凡馬之用宗廟用龍田事用駮田事田獵之事也謂之龍者馬高八尺以上擬於龍

記

禮記曲禮數馬畜以言其富者不敢斥言也

春秋傳

魯僖公之二年齊桓公城楚丘而封衛

蝮煉

周禮十輝

春官眡祲掌十輝之法以觀妖祥辨吉凶

眡與視同祲音浸輝

音運

一曰祲

陰陽氣相侵

二曰象

如赤烏

三曰鑄

子全切旁氣四面反鑄如

狀輝

四曰監

雲氣監臨於日

五曰闇

日月食

六曰瞢

母宣切日月瞢無光

七曰彌

白虹彌天

八曰叙

雲有次序如山在日之上

九曰濟

虹也虹音洪又音絳

霓雌虹音鵠倪歷切

十曰想

雜氣有形可想也

掌安宅叙降正歲則行

事歲終則弊

必袂切

其事弊斷也

載馳

岸善崩

漢書溝洫志孝武時嚴熊言臨晉民願穿洛以溉重

泉以東萬餘頃故惡地穿渠自徵

音懲即澄城

引洛水至

商顏下岸善崩乃鑿井深者四十餘丈井下相通行水井渠自此始穿得龍骨故名龍骨渠

因魏莊子

左襄四年無終子嘉父使孟樂如晉因魏莊子納虎

豹之皮以請和諸戎無終山戎國名子爵而名嘉父

莊子晉大夫魏絳

見春秋傳

閔二年許穆夫人賦載馳

叔孫豹

襄十九年穆叔

即叔孫豹

見叔向

晉羊舌肸

賦載馳之四章文

十三年鄭子家賦載馳皆取控于大邦意

詩傳旁通卷二

欽定四庫全書

詩傳旁通卷三

元 梁益 撰

國風

衛

衛

衛者衛護曰曹曰衛以其在畿域之內而分曹遮衛

左馮翊右扶風之義也

馮音憑

三國以淇為分鄘云送

我乎淇衛云送子涉淇邇云亦流于淇此以淇為分

界也衛本古觀國夏后啟之庶子太康之弟兄弟五人俱封于衛是為五觀夏衰滅焉又有一衛國郡國志云東郡衛國公姚姓舜之後也有河牧城見於桑欽水經乃今之鎮州靈壽縣西北云觀去聲

淇奧

武公入相

嚴坦叔

案

曰䟽言淇奧之詩或幽或平未可知也歐

陽補圖屬之平王今定為幽王衛武享國五十有五

前為宣後為平何以知淇奧之中為幽也蓋淇奧美武公之入相其入者相幽也武公既入作賓之初筵入為卿士之時幽王時也武公之相于幽至平而進為公孔氏謂幽王之時武公已為卿士是也

僎

鑑錫

范處義詩補傳曰荀卿云陋者俄且僎釋之者引說文曰晉魏之間謂猛為僎所以僎為威嚴之貌恂栗之恂音去聲戰懼意見莊子

鑊力庶切錯也錯者磨物之器也錫湯之去聲

淇園之竹

史記河渠書漢武帝元光三年河決瓠子後二十餘
歲天子既封禪巡祭山川自臨決河沈白馬玉璧于
河令羣臣從官自將軍以下皆負薪填翼決河是時
東郡薪柴少而下淇園之竹以為捷捷者樹之水中
稍下竹及土木音其勉切

重較

孔穎達正義曰周禮與人註云較音角兩轎倚音二意上出

式者則較謂車之兩旁今謂之平較但周禮無重較單較之文范處義詩補傳曰較高五尺五寸式高三尺五寸較既出于式上故謂之重較

張弛

禮記雜記記孔子之言曰一張一弛文武之道鄭氏註張弛以弓弩喻人也弓弩久張之則絕其力久弛則失其體

懿戒

國語楚左史倚相曰昔衛武公年數九十五矣猶箴
儆于國於是乎作懿戒以自儆韋昭註云懿詩篇名
讀之曰抑即今大雅抑詩也

考槃

盆缶節歌

莊子妻死箕踞鼓盆惠子曰鼓盆而歌不已甚乎

莊子

趙王為秦王鼓瑟秦王為趙王擊缶

史記李斯傳擊缶

叩瓠彈箏搏髀歌呼嗚嗚史記楊惲傳酒後耳熱仰天

拊缶而呼烏烏

漢書

瓠甫有切與缶同秦人好擊缶以

節歌為樂其俗如此

碩人

邢

邢姬姓侯爵周公之後春秋圖以為有姓無爵非也
僖公元年齊桓公遷邢于夷儀後為衛所滅邢治龍
岡夷儀城內西南隅小城也秦為信城王莽為襄國

隋為邢州今為順德路臣瓚曰夷儀城在襄國西百里應劭曰邢侯自襄國徙此謂之邢丘

譚 郊

譚之字亦作譚嬴姓子爵魯莊公十年齊桓公滅之今齊之歷城唐武德中為譚州東南十里有故城杜預云濟南之東平陸西南有古譚城字又作譚與郊異

郊子爵嬴姓秦為郊郡漢東海郊縣唐入下邳沂沐

述音二水間周十餘里有郊子廟其地在齊莒之間宋
淮陽軍治有古郟城

玉藻

路寢公羊傳曰路寢者何正寢也天子諸侯皆有三
寢一曰高寢二曰路寢三曰小寢

小寢禮記玉藻註小寢燕寢也釋服服玄端

河水北流入海

河海皆見周頌

氓

頓丘

爾雅釋丘一成為頓丘謂一頓而成也成者重也頓丘以丘名縣在朝歌紂都之東漢地理志頓丘縣在東郡羅長源路史曰頓丘古觀國地夏同姓熙寧省入清豐縣

童容

童容婦人車飾孔穎達曰以帷幃車之兩旁如裳以

為容飾 巾車註謂之裳幃或曰幃容

體

體兆卦之體金縢書云曰體王其罔害周禮占人凡卜君占體大夫占色史占墨卜人占圻以此氓詩觀之固不拘其說

思終思復

左襄二十五年衛太叔文子曰君子之行

下孟切思其

終也思其復也

竹竿

泉源

泉水即衛州共城之百泉淇水出相州林慮閭縣東
流泉水自西北來注之

粲然皆笑

穀梁傳軍人粲然皆笑粲明也笑而露其齒白也選
詩粲然啟玉齒

芄蘭

韜 卽朱極三

韜決拾之決也夏官繕人作挾決者包右拇指以
鈎弦拾則韜左臂以防絆弦以其遂弦故亦名
遂

朱極三

儀禮大射儀曰公就物小射正奉決拾以筈大射正
執弓皆以從於物小射正坐奠筈於物南遂拂以巾
取決興贊設決朱極三鄭康成曰韜之言沓所以彊

沓手指孔穎達曰極猶放弦也以沓指放弦今不挈也

挈音契

以朱常為之三者食指將指無名指小指短

不用凡皮生曰革熟曰韋此朱極三即俗所謂皮包

指

將子亮切中指也

河廣

衛宋

衛都朝歌在河北宋都睢陽在河南

伯兮

女為悅已容

史記豫讓曰士為知己者死女為悅已者容今智伯知我必為報讐而死則吾魂魄不愧矣

王

唐啖助春秋傳曰幽厲雖衰雅未為風平王之初人習餘化及化變風移陵遲久矣

胡文定公春秋傳曰孟子曰王者之迹熄而詩亡詩亡然後春秋作何也自黍離降為國風天下無復有

雅而王者之詩亡矣

孔氏曰平王東遷政遂微弱化之所被纔及郊圻詩作後于衛頃公地狹於千里故次之於衛也尊之猶

稱王在風則卑矣

頃公音傾

宗周

鄭氏詩譜曰始武王作邑於鎬京謂之宗周是為西都成王在豐欲宅洛邑使召公先相宅既成謂之王城今河南是召公既相宅周公往營成周今洛陽是

成王居洛邑遷殷頑民於成周復還歸處西都李氏
迂仲曰成王營東都王城則遷九鼎成周則居頑民
焉謹按宗周之地即西都也自周平王東遷于洛之
後豐鎬岐雍西都畿內八百里之地皆為秦人有而
謂之秦矣

戲

戲地名亦水名在驪山之北今新豐有戲亭幽王死
焉郡國圖志昭應東北三十里有古戲亭武王克商

命呂佗伐戲戲在紂都畿內章邯入關至戲亦此地
戲音許宜切左傳襄公九年之戲乃鄭地

黍離

彼

毛傳彼彼宗廟宮室黍離離稷之苗箕子過故殷墟
作麥秀之歌麥秀漸漸兮禾黍油油與黍離之詩意
同漸音杉

君子陽陽

房教

房毛傳國君有房中之樂鄭箋欲使我從之於房中
俱在樂官也朱子語錄由房只是人出入處古人屋
於房處前有壁後無壁土所以通內教舞位鄭箋欲
使我從之於燕舞之位亦俱在樂官也

揚之水

申

伯爵初為侯平王母申姜國楚靈王遷之今信陽

之方城內也方城山名漢平氏縣魏義陽軍劉宋立
司州宋安郡梁曰北司州改郢州周為申州隋為義
州唐為申州宋曰義陽改信陽軍國朝為信陽州淮
水所出

甫即呂也

呂

孔穎達書正義記傳引呂刑多為甫刑詩大雅崧
高為宣王時詩云生甫及申王風揚之水為平王
時詩云不與我戍甫明子孫改封為甫侯穆王時

未有甫名而稱為甫刑者後人以子孫國號名之也
宣王以後改呂為甫而鄭語史伯云申呂雖衰齊許
猶存乃幽王時言仍得稱呂者因申呂之文呂即甫
也

呂姓侯爵伯夷之封也舜紀云伯夷次禹能禮于神
爰封之呂杜預云在南陽宛縣西宛於後周併入南
陽南陽本隸鄧而今之鄧乃隸南陽博物志曲海城
有東呂鄉東呂里太公望所出也寰宇記密之莒縣

東百六十里漢曲海城太公出於東呂呂莒也霍邑亦曰呂唐武德中為呂州十七年廢乃堽邑也晉獻公十九年會虞師伐虢滅下陽虢公醜奔衛晉侯命瑕父呂錫邑于虢此河東之呂也圖經以新蔡為古呂國後來之呂近於申在周亦曰甫字亦作邨

許

姜姓國太岳之胤也齊許申呂皆四岳之後春秋許男地即今許州

董澤之蒲

左宣十二年晉尉武子曰董澤之蒲可勝既乎尉武子晉大夫魏錡董澤晉之澤名其地多蒲柳可為箭蒲柳一名楊柳

不共戴天

曲禮註父者子之天殺已之天與共戴天非孝子也行求殺之乃止故父母之讐不與共戴天

中谷有蓷

益母草

雅一名益母一名茺蔚爾雅萑雅萑音追疏釋曰萑
一名雅郭璞註曰今茺蔚也茺音充蔚音尉葉似萑
方莖白華華生節間全似杜天麻而不生橫枝天麻
則方莖紫華子黑色細長三稜一名蔚臭劉歆云萑
臭穢一名益母故昔者曾子見益母而悲也萑似紫
蘇而高大音稔

脯脩

如脯之謂脩脩乾肉脯也

葛藟

不有寡君

有謂有心服事不有謂無心服事左傳昭公三年晉

韓宣子

韓起

使叔向對宋子皮

罕虎

曰君若辱有寡君在

楚何害修宋盟也君苟思盟寡君乃知免於戾矣君
若不有寡君雖朝夕辱於敝邑寡君猜焉君實有心
何辱命焉君其往也苟有寡君在楚猶在晉也

漚

夷上洒下曰漚孫炎云平上隋下也郭璞云厓上平
坦而下水深者為漚洒取猥切音瓘峻貌

采葛

荻

爾雅釋草曰蕭荻李巡云荻一名蕭陸璣以為荻蒿
或以為牛尾蒿陸農師曰蕭可以祭故其字从肅亦
秋風之過蕭意氣肅然故蕭一名荻而其字从肅也

蕭可以緯顏延年靖節徵士誄云灌畦鬻蔬為供魚
菽之祭織絢綿蕭以充糧粒之費陸璣字元恪吳人
陸佃字農師山陰人

鄭

鄭之名三桓公采地於咸林蓋未為國其地在華陰
鄭縣今鄭縣西北三里有古鄭城武公徙河南併號
鄆十邑居之故莊公云吾先君新邑於此是為新鄭
在今鄭州耆舊傳云桓公死於犬戎具民南奔漢中

是為南鄭令興元府路

緇衣

好賢如緇衣

孔叢子

禮記子曰好賢如緇衣惡惡如巷伯則爵不瀆而民
作愿刑不試而民咸服鄭氏註曰緇衣巷伯皆詩篇
名也緇衣首章曰緇衣之宜兮敝予又改為兮適子
之館兮還予授子之粲兮言此衣於既切緇衣者賢者
也宜長為國君具衣敝我願改制授之以新衣是具

好賢欲其貴之甚也

孔叢子孔子曰於緇衣見好賢之至

至朱傳作實

叔于田

共叔段

左隱元年鄭武公娶于申曰武姜生莊公及共叔段及莊公即位請京使居之謂之京城太叔太叔將襲

鄭公命子封

公子

帥車二百乘以伐京京叛太叔段

段入于鄆公伐諸鄆太叔出奔共

鄆音偃共音恭

大叔于田

火焚而射

火火田也爾雅火田為狩王制昆蟲未蟄不以火田
周禮仲春蒐田用火弊火田者焚除萊草而田獵也
弊者止也皆殺而火止故曰火弊

上馬

史記齊田忌與諸公子馳射不勝孫臏曰以君下馬
與彼上馬取君上馬與彼中馬取君中馬與彼下馬

既馳三輩思一不勝而再勝乃得千金見齊世家

舍拔覆彌

拔矢末也所謂括也字亦作箬箭本受弦處也孔氏
曰以鏃為首故括為末舍拔放箭也音跋彌與蕭彌
字同弓之梢末所謂弣也蓋弓弣頭也曲禮左手執
簫疏者云弓頭梢剡差斜似簫故名曰簫又謂之弣
師交切剡銳利也禮云圭剡上謂削之令上銳也

捌冰

左昭十三年魯司鐸射懷錦奉壺飲冰射音亦司鐸
官之名冰與棚同箭筈也可以取水飲又昭二十七
年晉范獻子曰豈其伐人而說脫甲執冰以游箭筈
今謂之筈簾簾亦作籜

清人

高克

左傳鄭人為之賦清人清邑在滎陽中牟西

鄭棄其師

春秋閔公二年鄭棄其師公羊傳鄭棄其師者何惡其將也鄭伯惡高克使之將遂而不納棄師之道也穀梁傳鄭棄其師惡其長也兼不反其衆則是棄其師也

羔裘

君用純物

君之衣用純色之物臣下之者下一等也如今之番披襖之類人君純用銀鼠人臣必雜以貂鼠不敢用

一色也

遵大路

攬子祛

宋玉登徒子好色賦曰臣少曾遠遊從容鄭衛溱洧之間是時向春之末迎夏之陽倉庚喈喈羣女出桑此郊之姝華色含光體美容冶不待飾裝臣觀其麗因稱詩曰遵大路兮攬子祛贈以芳華辭甚妙季善文選註曰稱此詩者此本鄭詩故稱之以感動

女曰鷄鳴

明星

爾雅釋星明星謂之啟明郭景純註太白星也晨見東方為啟明昏見西方為太白启與啟同太白一名長庚餘見大東

弓繳加鳬鴈

史記楚世家曰楚人有好以弱弓微繳加歸鴈之上者頃襄王聞之召而問之對曰小人之好射騏鴈羅

驚小矢之發也何足以為大王道也且稱楚之大因
大王之賢所弋非直此也好音耗繳音灼頃音傾麒
音其小鴈也驚音龍小鳥名直猶但也歸鴈非謂北
歸之鴈

鴈宜麥之屬

禮記內則牛宜稌羊宜黍豕宜稷犬宜粱鴈宜麥魚
宜苽稌杭稻也稌音杜杭音庚黍秫粟也秫音術稷
稌粟也稌音祭粱似粟而大五穀之長也苽茭苗米

也荻音孤

珩璜琚瑀

毛傳雜佩者珩璜琚瑀衝牙之類珩音衡璜音黃亦音橫琚音居瑀音禹瑀石次玉製為大珠

觿燧箴管

內則子事父母左右佩用左佩紛悅刀礪小觿金燧右佩玦捍管還大觿木燧婦事舅姑左佩紛悅刀礪小觿金燧右佩箴管線纁鄭氏註曰紛悅拭物之中

也今齊人有言紛者刀礪小刀及礪礪也小觸解小
結也觸貌如錐以象骨為之金燧可取火於日捍猶
拾也言可以捍絃也管筆彊也遘刀鞞也木燧鑽火
也箴管箴在管中也悅音稅礪音厲觸許規切燧音
遂玦音決捍音汗遘音逝箴與針同續音曠彊苦候
切彊沓也鞞音畢

褰裳

溱洧

漆水一名漕水一名澮水出滎陽澮城西北鷄絡塢
下東南入府 洧水出滎陽密縣西馬嶺山密今隸
河南具水東南有漆水入焉又過新鄭有黃水入焉
又東南至長平入潁水長平今為陳州西華縣西漢
地理志亦云洧川出潁州陽城山東南至長平入潁
今汴梁之洧川縣地近鄭州

丰

駸禪

記玉藻曰禪為絅帛為褶註曰絅有衣裳而無裏褶
袂也有表裏而無著袷與絅同禪音丹褶音牒袂音
夾著音貯著者袍中之絮所謂臬著

東門之墀

陂阪除地町町 栗

爾雅釋地陂者阪陂音坡與坡同郭景純曰坡陀不平
除地町町者町吐呂切墀除也去草也封土為壇除
地為墀町町言有町畦

門之旁有栗毛傳行上栗也鄭箋行道也左傳趙武
魏絳斬行栗杜預云表道樹也

揚之水

迂與誑同

左定十年宋公子地出奔陳宋景公弗止公子辰為
之請弗聽辰曰是我迂吾兄也按春秋傳迂字之義
正與此揚之水詩人實迂女汝之迂同迂者欺誑也
音求况切又古况切

齊

齊地在今青州之境左傳昭公二十年晏子對齊景公曰昔爽鳩氏始居此地季荊因之有逢伯陵又因之薄姑氏又因之然後太公因之爽鳩當在太昊時季荊夏之季伯陵薄姑氏商之末齊有二其一北齊逢伯陵之後伯陵先封逢後改封齊故稱逢伯陵伯益書曰炎帝生器器生伯陵周語曰天黿之分我之皇妣太姜之姪伯陵之後逢公之所憑神伯陵太

姜之祖逢公伯陵之後為商侯伯封于齊地是伯陵
前封于齊而太公繼其後也太公之齊侯爵居爽鳩
氏之故墟太公都營丘今青州之臨淄然營丘故城
乃在濰州之昌樂故萊侯與太公爭營丘後胡公徙
薄姑齊地記云丘高九丈下周三百步丘臨淄水故
曰臨淄

鷄鳴

無底

嚴坦叔曰無庶猶言庶無古人辭急倒用也

坦叔曰齊亦二南之變也

還

狃

地理志狃嶠皆山名在齊地音皆乃高切

著

親迎

西階

禮記哀公問冕而親迎

去聲

不已重乎孔子愀

悄

然作

色而對曰合二姓之好以繼先聖之後以為天地宗
廟社稷之主君何謂已重乎孔子又曰天地不合萬
物不生大昏萬世之嗣也君何謂已重乎昏義曰父
親醮子而命之迎男先於女也醮冠昏祭名酌酒而
無酬酢曰醮

西階 儀禮昏禮篇婦至主人揖婦以入及寢門揖
入升自西階

東方未明

瞿瞿

漢吳王濞傳曰西王瞿然駭師古曰瞿然無守之貌
禮記檀弓曾子聞之瞿然皆驚顧之貌

南山

雄狐

陸農師曰雄狐說者以為牡狐非也宜讀如狐不二
雄之雄雄狐君象也狐一羣不二雄

盧令

于思

左宣二年宋城華元為植巡功城者謳曰睥其目瞞
其腹棄甲而復于思于思棄甲復來為植者植謂將
主也睥音還之上聲

載驅

汶

濟清河

汶水出萊蕪縣西南經濟北至東平壽張縣入濟萊
蕪今隸兗州一云出奉符縣原山西北

濟 濟水从滎陽縣北東過敖山北東合滎瀆滎瀆
今流已絕東索水入之東過陽武縣北又東過封丘
縣東過酸棗縣之烏巢澤北又東過乘氏縣南分為
荷水東北過鉅野濮水入之東北過壽張汶水从東
北來入之北過須城漁山之東左合馬頰水北過臨
邑東北過盧城北東北濳水入之濳音洛亦音鹿其
水出齊州歷城縣西北入于濟謂之濳口又東北過
華不注山華水入之東北過蒲臺縣東過鄒平時水

入之時水一名形一名如水一名澧水一名乾時又
東北過樂安故城南東北過利縣西利縣在濟城北
又東北過甲下邑河分一枝入焉釋名云濟濟也言
源出河北濟河而南也濟水多伏流地中南豐曹子
固知濟南作二堂一曰歷山之堂一曰樂源之堂以
館使客曾公齊州二堂記曰按圖泰山之北與齊之東
南諸谷之水西北匯于黑水之灣又西北匯于柏崖
之灣而至于渴馬之崖蓋水之來也衆其北折而西

也悍疾尤甚及至于崖下則泊然而止而自崖以北
至于歷城之西蓋五十里而有泉涌出高或至數尺
其旁之人名之曰趵突之泉齊人皆謂嘗有糞糠于
黑水之灣者而見之於此蓋泉自渴馬之崖潛流地
中而至此復出也趵突之泉冬溫泉旁之蔬甲經冬
常榮故又謂之溫泉其注而北則謂之灤水達于清
河以入于海舟之通于齊者皆于是乎出也齊多甘
泉冠于天下其顯名者以十數而色味皆同以余驗

之蓋莽灤水之旁出者也灤水嘗見於春秋魯桓公十有八年公及齊侯會于灤杜預釋一在歷城西北入濟水自王莽時不能被河南而灤水之所入者清河也預蓋失之趵方車切玉篇云足擊聲

清河 泗水舊云出汴縣故城東南桃虛西北卞縣今兗州泗水縣是或云泗水出鄆州梁山泊許慎說文云泗水受濟水桑欽水經云濟水至濟陰乘氏縣分為二一水東北流為北濟一水南流為南濟鄭夾

滌曰今此水與濟已不通泗源出泗水縣西南流有
洙水入之洙水出魯城北下合泗水所謂洙泗也西
南至方與音餘縣荷水入之其水出乘氏班固亦謂之
泗水方與今單州魚臺縣有濶水至高平湖陸入泗
水又南至彭城名曰汴水有睢水入之睢水自浚儀
縣東經陳留梁譙沛彭城入泗浚儀改為祥符縣西
南至下邳有沂水入之沂水舊云出蓋音閭縣艾山今
其地在泗水奉符間南流又南過臨沂至下邳入泗

又南至楚州山陽縣入淮此水今人謂之清河

敝筭

糕

祝丘 防 穀

春秋莊公二年會糕音灼齊地祝丘魯地七年春會防魯地冬會穀齊地

猗嗟

大射醵賓射正

音征

大射者將祭而擇士於射宮賓射者諸侯來朝與之

射於朝又有燕射因燕賓客即與之射於寢此三射者射之禮也正鵠皆鳥名齊魯之間呼題肩鳥為正小而捷黠射之難中故取名焉


金僕姑

左莊十一年乘丘之役公以金僕姑射南宮長萬金僕姑箭名長萬宋大夫長上聲

趙子

唐趙匡字伯循天水人仕至殿中侍御史淮南節度

判官明春秋經學授關中啖助叔佐助授吳郡陸淳
伯冲淳作春秋集傳纂例行於世



詩傳旁通卷三